



L'Uniun Sport Amatoriala á tigni ai 24 de merz súa reuniun generala anualá dô da en ann de laur dl comité nŭ. La reuniun generala é stada na ocajiun por ciarè zoruch al'ativité dl ann passè y por portè dant le program preodŭ por l'ann corènt.

Le presidènt Alex Alton á danfora saludé i mēmbri che tol pert ala reuniun por passè spo a tratè l'ordin dl dé. Ala fin dl ann passè pò la uniun mostrè sò 162 scrić ite, de chisc é le 40% sot ai 20 agn.

An é spo passá al'aprovaziun dl cunt consuntíf y dl bilanz de previjiun. Tla relaziun söl'ativité à le presidènt y i caposeziuns referí söles ativitēs desvalies. La seziun cun la maiú ativité é chëra dl jŭch dl palé. Le numer di sogadus che tol pert ai campionać é de passa 50. Chësta seziun á inće les maius spēises, che pò ma gní curides cun l'aiŭt di sponsors. Te chësta ocajiun él gnŭ ringrazié dŭtes les firmes che sostēgn la Uniun. Ringrazié él inće gnŭ i alenadus y acumpagnadus dles scuadres di mituns, che rapresentēia le dagní dla Uniun. L'ativité cun i mituns y jogŋ á porchël le pēis prinzipal tl program dl'uniun.

Pro la seziun dla lŭsa él stè le caposeziun Helmuth Deiaco ch'á portè dant i punć pinzipai dl'ativité. Al á portè dant i mius plazamēnc arjunć chësc ann y l'ann passé dai atlec da La Val. Da recordé el le gran plazamēnt de Diego Tschaffert che è diventé campion d' Europa.

Pro les ativites desvalies él gnŭ recordè i cursc organisá, a chi ch'al á tut pert passa 150 partezipanć. Dër aprijá é gnŭs i cursc por mituns, danter i atri le curs de schi, da nudè y le program sportíf da d'isté. Inće chisc gnará sambēgn indo organisà chësc ann.

En pice punt è ince jü ala picera atleta Tolpeit Valentina che vá cun i schi pro le Sciclub d' Al Plan. Valentina á portè a ciasa de buniscimi resultač.

L'ombolt Franz Complojer á ince tigní en pice discurs suradüt por ciche reverda la rivalutaziun dla zona sport de Plans. Sëgn naota gnaral studié jö la cosa da en geologe, spo udaran sciöcha ara podess jí inant. L'ombolt à spo ringrazié i funzionars dl'Uniun por le laur che vëgn fat dantadüt por i mituns y jogh. Ince le presidënt á ringrazié l'ombolt por le sostëgn finanziair che vëgn vigni ann conzedü dal comun ala uniun, sides por l'ativité ordinara sciöche ince por i desvalis investimënc che vëgn fač.

Ala fin ti él ciamò gnü surandé en pice record al neo campion d' Europa Diego Tschaffert.

Dô la reuniun á i partecipanc pudü se mangé val e se bere val.

Por ciaré ala prejentaziun drüca sön le link in injunta: [prejentaziun](#)